

9 Te ao ōhanga Tō tātou ōhanga

Mahere wātū

Ngā karere matua

- He wāhi tōku ki te ōhanga o Aotearoa.
- He nui ngā pānga o ngā pakihi ki ō rātou hapori me te ōhanga.

Te raupapa wātū

1. Whakaaturia te mahere mahi aramahi Whenua ki ngā rangatahi. Tonoa rātou kia tautohu i ngā mea kei te pikitia he wāhanga o te ōhanga i te wā ki ō rātou tūpuna, hei tauira, te tauhokohoko manu, te whenua, ngā waka.
2. Kāia atu ko tā tātou he tūhurahe i te ōhanga Māori. Whakaaturia te ata kiriata Te Matatini ki ngā rangatahi, ka kōrero mō tōna hītori, he pēhea i tīmata ai, i whea anō hoki, tae noa mai ki tēnei rā, me tōna wāhi i roto i te ōhanga.
3. He aha taua ōhanga nei? E hangaia ana te ōhanga mō Te Matatini i te tuku mahi ki te huhua noa o ngā tāngata pūkenga ki te whakahaere i te taiopenga. Tae mai ki te hui anō, māna e hanga moniwhiwhi i ngā hokonga tīkiti, ka mutu, ka whiwhi moniwhiwhi ngā kaihoko i te hoko rawa me ngā kai ki ngā manuhiri.
 - Whai wāhi ai ngā whānau ki ngā mahi e tautoko ana i ngā whakaaturanga.
 - Ka whiwhi mahi ētahi ki te whakahaere i Te Matatini.
 - Whakapau moni ai ngā manuhiri kia taetae ai ki te taiopenga.
 - Ka whakawhiti te moni i ērā e hoko rawa mai ana me ngā kai ki ērā e hoko atu ana i aua mea. Kei te nunuitanga ake o te rerenga moni, ko te nunuitanga ake o te ōhanga.
4. Tonoa ngā rangatahi kia whakaarohia he tauira i roto anō i tō rātou hapori ka takoha ki te ōhanga o te takiwā, pērā i tētahi pāmu rahi, tētahi kaitukumahi o te takiwā, tētahi taiopenga ā-tau rānei.

Kia haere tonu te kōrerorero mā te whakautu i ēnei pātai:

 - He aha ngā momo mahi kei taua pakihi?
 - Ko wai tētahi, ētahi rānei e mōhio ana ia kei te mahi i taua pakihi?
 - Whakapaua ai pea e taua pakihi ana moni ki hea?
 - Ko wai mā e hoko mai ana i ngā huarawa i taua pakihi?
 - He aha te wāhi o taua pakihi ki tō rātou hapori?
5. Whakarāpopototia ngā āhua e whai wāhi ana te tangata ki te ōhanga. Kāia atu ngā rangatahi he kaituku hira rātou ki te ōhanga i tēnei wā, ā muri ake anō hoki.

Ngā āheinga aramahi matua

Te whakaatu māramatanga ki te ariā o te māketē.



Ngā pātai matua

Ka pēhea koe e whai wāhi ai ki te ōhanga i tēnei wā tonu?

Me pēhea tō whai wāhi ki tērā hei anamata?



Ngā rauemi tautoko

Kaiārahi PowerPoint 9

[Te Matatini: He hītori poto](#)

[Ngā Pūrongo Aromātai Taiopenga](#)



Roanga

40-50 meneti